



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თოხაძე გივი მაქსიმეს ძე



გ. თოხაძე

თოხაძე გივი მაქსიმეს ძე (20. X. 1922, ფოთი, – 25. X. 2010, თბილისი), მსახიობი. საქართვე. სახ. არტისტი (1982). 1949 დაამთავრა საქართვე. შოთა რუსთაველის სახ. სახელმწ. ინ-ტის სამსახიობო ფაკ-ტი. ინ-ტის დამთავრების შემდეგ სამი წელი იმუშავა შოთა რუსთაველის სახ. სახელმწ. თეატრში (ასრულებდა ეპიზოდურ როლებს ისეთი კორიფეების გვერდით, როგორებიც იყვნენ ა. ვასაძე, ა. ხორავა და სხვ.). 1956-იდან ხანგრძლივად და ნაყოფიერად მოღვაწეობდა კინოში. მის მიერ განსახიერებული როლებიდან აღსანიშნავია უშანგი (შ. მანაგაძის „საბუდარელი ჭაბუკი“, 1957). გადაღებულია კინოფილმებში: „ჭიაკოკონა“ (რეჟ. ი. ქავთარაძე, 1961), „ბაში-აჩუკი“ (რეჟ. ლ. ესაკია, 1956), „მე

ვითყვი სიმართლეს“ (რეჟ. ლ. ხოტივარი, 1957), „დღე უკანასკნელი, დღე პირველი“ (რეჟ. ს. დოლიძე, 1959), „გლახის ნაამბობი“ (რეჟ. ლ. ესაკია, 1961), „ჩარი-რამა“ (რეჟ. ნ. სანიშვილი 1972) „ამბავი სურამის ციხისა“ (რეჟ. ს. ფარაჯანოვი, 1984), „უძინართა მზე“ (რეჟ. თ. ბაბლუანი, 1992), „შეყვარებული კულინარის 1001 რეცეპტი“ (რეჟ. ნ. ჯორჯაძე, 1996), „ანთიმოზ ივერიელი“ (რეჟ. გ. ჭოხონელიძე, 2001) და სხვ. არაერთი კინოსტუდიის მიერ მიწვეული იყო და მონაწილეობდა შემდეგ კინოფილმებში: „ქოროლლი“ (გურჯი-ოლლი, „აზერბაიჯანფილმი“, 1961, რეჟ. სეით-ზადე), „ველურ ნაპირზე“ (კაპანაძე, „ლენფილმი“, 1965, რეჟ. ა. გრანიკი), „ემშაკის დუჟინი“ (მანსული, ოდესის კინოსტუდია, რეჟ. ვ. იულინი, 1970), „რუსტამი და სუჰრაბი“ (შაჰი აფრასიაბი, „ტაჯიკფილმი“, 1971,

რეჟ. ბ. კიშიაგაროვი), „უგრიუმ მდინარე“ (იბრაჰიმ-ოღლი, სვერდლოვსკის კინოსტუდია, 1968, რეჟ. ი. ლაფშინი) და სხვ. ჰქონდა გამორჩეული გარეგნობა, გმირის ხასიათის გათავისების არაჩვეულებრივი უნარი, შთამბეჭდავი ხმა. გახმოვანებული აქვს მრავალი კინოფილმი. მიღებული აქვს სახელმწ. ჯილდოები.
